



BIBLIOTEKA  
UNIW. JAGIELŁ.  
KRAKÓW

379855

Mag. St. Dr.



1404






379855

III








DESCRIPTIO

AVZED


Caravonit Excriptionis  
Super Bone Jure



ROMA

EX





R. P. D.

A Z E D O

Cracovien. Exemptionis

*Super Circumscriptione.*

Lunæ 23. Junii 1777.

**Q**Uum perspicua undequaque sint Exemptionum Privilegia, quibus Religiosus Ordo Sancti Sepulcri Poloniae, aliisque proximis in Regnis certissimè gaudet, trahique in dubium nec possit, Ecclesiam Oppidi Miechoviensis, cui præest ejusdem Ordinis Præpositus Generalis, ne in rebus quidem ad Curam Animarum pertinentibus Episcopi Visitationi esse subjectam, ut probant *meæ hodiernæ diei Decisiones*, hinc Episcopalis Curia Cracoviensis haud rectè  
Præ-



Præposito Generali liberum suæ jurisdictionis exercitium prohibuit, Regulares Conventus Miechoviensis ab Officio, quo fungebantur, amovere tentavit, Parochiam eidem Conventui adnexam Generali Præposito illegitime collatam protestata fuit, Confessarios suspendit, Censuras publicavit, multosque alios actus peregit, quos recensere nimis longum esset. Horum autem omnium, similiumque Actuum Circumscriptionem jam pridem exposulavit Præpositus Generalis, utpote qui maximam & suam, & Ordinis Universi exemptioni injuriam attulerunt. Scorsim itaque hoc mane quæsi = *An sit locus Circumscriptioni in casu &c.*, mihi quæ affirmativum datum est responsum.

- 2 Semel ac *prima* ex memoratis meis Decisionibus constabilivit, Ordinem Canonicorum Regularium S. Sepulchri, eorumque Generalem Præpositum Miechoviensem immunem ab omni Episcoporum jurisdictione censendum esse, *altera* verò *Deciso* firmavit, Episcopum haudquam se ingerere posse in res Parochiales Ecclesiæ Miechoviensis, ejus in Monasterio Præpositus Generalis commoratur, hinc prono velut alveo descendit, circumscribendum esse id omne, quod in perniciem Præpositi Generalis, ac ejusdem Ordinis actum est ab Officialibus Episcopalis Curia Cracoviensis. Omnes enim sciunt, actus illos, quibus alterius invasa est jurisdictio, ope circumscriptionis esse confestim obliterandos, ne quid simile in posterum quispiam attentare præsumat, sicuti monuit Rota in *decis.* 132. num. 13., & *sequen.* coram Cerro, & *decis.* 429. num. 9., & *sequen.* part. 18. *recent.*
- 3 Tantoque magis hac in specie decernenda erat circumscriptio, tum quia præfati Officiales adversus Præpositum Miechoviæ, & Regulares S. Sepulchri egerunt contemptis Apostolicis privilegiis, quibus maxima debebatur reverentia, præcipue cum illorum vi idem Ordo se qua exemptum eo usque custodiverat, sicuti ponderat Rota in *Ratisbonen. Jurisdictionis super manutentione* 15. Junii 1764 §. 7. cor. Em̃o Zelada, tum quia iidem pleraque ausi sunt, etiam si A. C. præmissis Monitorio ipsis valide interdixisset, ne adversus Apostolica Privilegia quidquam novi acturi fuissent. Qua in re cum Judicis inhibentis auctoritas læsa videatur, hinc nihil fieri poterat minus, quam ut iidem Actus in illius spretum gestis, proindeque jam ipso jure nulli abrogarentur, sicuti post *textum in cap. non solum in fin. de Appellat.* recte advertit Rota in *decis.* 407. num. 2. cor. Peutingger.
- 4 Nec ad rem pertinet Constitutio san. mem. Benedicti XIV. quæ incipit *Ad Militantis*, decernens, ut monitoria, at-

que



que inhibitiones nullum præstent Episcopis impedimen-  
tum, quominus in iis *præsertim rebus, quæ Curam Ani-*  
*marum concernunt*, libere agere possint. Principio enim  
multa, quæ Officiales Episcopi egerunt, non afficiunt  
Animarum Curam, Sacrorumque Administrationem, ac  
proinde quoad ea pertinet, statim intelligitur, extra-  
neam esse Benedictinam Constitutionem. Nonnulli vero  
Actus, qui ad Animarum Curam spectare videntur, iidem  
referri debent ad Ecclesiam Miechoviensem. Verum in isto  
quoque casu nullam vim habet præfata Constitutio; ea  
liquidem pro certo sumit, quod est hic maxime contro-  
versum; pro certo enim supponit, Episcopo Cracovien-  
si jus esse inquirendi in Curam Animarum, quam in sua  
Ecclesia Miechoviensis exercet Præpositus. At visum jam  
est, nihil juris ipsum in eandem habere Ecclesiam, pro-  
pterea quod hujus Ordinis Præpositus ipse Generalis in ea  
residet, unde sponte sua consequitur, quod sicut Moni-  
torium jure ac recte Cracoviensi Episcopo interdixit, ne  
Parochialibus quoque rebus ad Curam Animarum Eccle-  
siæ Miechoviensis pertinentibus sese ingereret, ita ejus  
Officiales non poterant in spretum illius ad recensitos  
actus devenire.

Et ita utraque &c.

R O M Æ, MDCCLXXVII.

Ex Typographia Reverendæ Camera Apostolicæ.


---

*Superiorum Permissu.*
















P. P. DOM KSIĄŻKI  
— ANTYKWARIAT —

\* 008290

stdr0022383



Biblioteka Jagiellońska



